

DIE XVI. MAII;

IN FESTO

S. JOANNIS

NEPOMVCENI,

MARTYRIS,

EMIDUPLEX IN REGNIS HISPANIARUM.

*Omnia de Communi  
Martyris non Pontifi-  
s, tempore congruentia,  
ater ea, qua hic ha-  
ntur.*

ORATIO.

**D**Eus, qui ob in-  
victum Beati  
annis Sacramen-  
le silentium novâ  
cclesiam tuam Mar-  
rii coronâ deco-  
sti: da nobis ejus  
tercessione, &  
emplo linguam  
quâ custodire, ac  
omnia potius mala,  
am animæ detri-  
entum, in hoc sæ-

culo tolerare. Per  
Dominum nostrum,  
& c.

IN I. NOCTUR.

*Lectioes de Scriptu-  
ra occurrente.*

IN II. NOCT.

*Lectio iv.*

**J**Oannes Nepo-  
muceni Bohe-  
mia Oppido,  
unde Nepomuceni  
cognomen duxit, à  
parentibus ætate pro-  
vectis, non sine fut-  
tura Sanctitatis præ-  
sagio;

2  
 fagiō ; flammis su-  
 pra nascentis do-  
 mum mirabiliter col-  
 lucentibus , ortus  
 est. Cum infans in  
 gravem morbum in-  
 cidisset , Beatæ Vir-  
 ginis ope , cui na-  
 tum parentes refere-  
 bant acceptum , è  
 vitæ periculo evasit  
 incolumis. Egregiâ  
 indole , piâque in-  
 stitutionse caelestibus  
 iudiciis obsequente,  
 inter sanctas , reli-  
 giosasque exercita-  
 tiones pueritiam  
 egit ; nam Eccle-  
 siam frequenter ad-  
 ire , ac Sacerdotibus  
 ad aras operantibus  
 ministrare in deli-  
 ciis habebat. Zatecii  
 politioribus litteris  
 ad humanitatem in-  
 formatus ; Pragæ ve-  
 rò gravioribus disci-  
 plinis excultus , Phi-  
 losophiæ , Theolo-  
 giæ , Sacrorumque  
 Canonum Magiste-  
 rium , & lauream

emeruit. Sacerdos  
 initiatus , atque  
 scientia Sancto-  
 rum ad lucra animarum  
 ritè comparatus , in  
 ministerio Verbi  
 se penitus addidit  
 Cum igitur in vi-  
 extirpandis , &  
 vocandis in vi-  
 salutis errantibus e-  
 quentiâ , & pietate  
 uberes ederet  
 ctus , inter Canon-  
 cos Metropolitanæ  
 Ecclesiæ Pragæ  
 cooptatus , mox  
 demandatam Ec-  
 gelii coram Rege  
 Wenceslao IV. pro  
 dicandi provinciam  
 suscepit , eo succedente  
 ut Joannis suavis  
 Rex faceret , in  
 gnoque in honore  
 ejus virtutes habere  
 ret. Conspicuas  
 men , quas ille con-  
 tulit , dignitates ,  
 Servus , ne à Divi  
 Verbi præconio au-  
 caretur , constanti-  
 mè recusavit,



*H.* Honestum fecit.

*Tempore Paschali.*

*L.* Lux perpetua.

*Leſſio v.*

**R**egis illum e-  
leemosynis in  
pauperes erogandis  
præfectam, Joanna  
Regina conscientia  
sibi moderatorem  
adscivit. Cum au-  
tem Wenceslaus ab  
officio, institutoque  
desceſſiſſet, atque in  
vitia præcepti abri-  
peretur; piè autem  
conjugis obteſtatio-  
nes, & monita gra-  
vatè ferret, contem-  
dere ausus eſt, ut in  
Sacramentali judi-  
cio Sacerdoti credi-  
ta Reginae arcana  
sibi à Joanne pan-  
derentur. At Dei  
Minister blanditiis  
primùm, tormentis  
deinde, & carceris  
squallore tentatus,

nefariae Regis cupidi-  
tati fortiter obſtitit.  
Furentem tamen  
Wenceslai animum,  
cum ab execrando  
proposito, nec hu-  
mana, nec Divina  
jura deterrent, su-  
preum agonem,  
quem instare ſibi  
Athleta Christi no-  
verat, populo in  
concione de impen-  
dentibus etiam Re-  
gni calamitatibus ad-  
monito, non obi-  
ſcure prænuſtiavit.  
Mox Boleslaviam  
proſectus, ad Beatæ  
Virginis imaginem  
antiquo cultu cele-  
brem, caeleſte præ-  
ſidium ad certan-  
dum bonum certa-  
men effuſis precibus  
imploravit. Inde  
veſperi revertentem  
in pervigilio Do-  
minicæ Aſcenſionis  
Rex è fenestra con-  
ſpicatus arceſſit; cum  
que vehementiùs  
urgeret, & prox-  
imam

4  
mam in aquis, si  
obluctari pergeret,  
submersionem in-  
tentaret, Joannes  
invicta constantia  
terrores, minasque  
refutavit. Itaque Re-  
gis imperio in Mol-  
davam flumen Pra-  
gam interfluens no-  
ctu dejectus, illustrem  
martyrii coronam est  
consecutus.

3. Desiderium ani-  
mae.

Tempore Paschali.

8. In servis suis.

Lectio vi.

**S**actilegum faci-  
nus clam patra-  
tum, & Martyris  
gloriam insigne pro-  
digium divinitus pa-  
refecit. Ubi enim  
exanime corpus se-  
cundo flumine ve-  
hi cepit, ardentes  
faces aquis superna-  
tantes, & discurren-

tēs apparuerunt.  
Quamobrem ex ar-  
na post diem ma-  
Corpus elatum, Ca-  
nonici deinde Re-  
gis iram nihil ter-  
mentes, in Metro-  
politanam Ecclesia  
solemni pompa in-  
tulerunt, & sepu-  
turae mandatum.  
Cum autem in die  
invicti Sacerdotum  
memoria miraculorum  
& maxima fidelium  
eorum praecipue, quae  
famam periclitante  
veneratione crefer-  
ret, post annos du-  
mum amplius tre-  
centos, in juridica  
recognitione corpo-  
ris, quod sub humo  
tamdiu jacuerat, li-  
gua ejus incorrupta  
& vivida reperta est,  
quae sexto post anno  
Judicibus a Sede  
Apostolica delegatis  
exhibita, novo pro-  
digio repente intum-  
uit, & sub colore  
rum ruborem  
purge



purpureum commu-  
lavit. His itaque,  
aliisque signis ritè  
probatis, Benedictus  
XIII. P. M. die de-  
cima nona mensis  
Martii anno salutis  
millesimo septin-  
gentesimo vigesimo  
nono primum hunc  
Sacramentalis Sigil-  
li assertorem, Arca-  
ni fidem sanguine  
obsignantem Sancto-  
rum Martyrum ca-  
talogo adscripsit.

R. Stolla jucundi-  
tatis.

*Tempore Paschali.*

R. Filia Jerusalem.

IN III. NOCT.

Lectio S. Evangelii  
secundum Mat-  
thæum.

Lectio vii. Cap. 10. c.

IN illo tempore:  
Dixit Jesus disci-  
pulis suis; Nihil est

opertum, quod non  
revelabitur; & oc-  
cultum, quod non  
scietur. Et reliqua.

Homilia S. Hilarii  
Episcopi.

Comment. in Matth. can-  
10. post init.

**D**ominus diem  
judicii ostendit,  
quæ abstrusam  
voluntatis nostræ  
conscientiam pro-  
det: & ea quæ nunc  
occulta existiman-  
tur, luce cognitio-  
nis publicæ detegeret.  
Igitur non minas,  
non consilia, non  
potestates instanti-  
um monet esse me-  
tuendas: quia dies  
judicii, nulla hæc  
fuisse, atque inania  
revelabit. Et quod  
dico vobis in tene-  
bris, dicite in lumi-  
ne: & quod in aure  
auditis, prædicate  
super tecta. Non le-  
gimus

gimus Dominum solitum fuisse noctibus fermocinari, & doctrinam in tenebris tradidisse: sed quia omnis sermo ejus carnalibus tenebrae sunt, & verbum ejus infidelibus nox est.

ꝛ. Corona aurea,

*Tempore Paschali.*

ꝛ. Ego sum vitis.

*Lectio viii.*

**I**Taque id quod à se dictum est, cum libertate fidei, & confessionis vult esse loquendum. Adcirco quæ in tenebris dicta sunt, prædicari justit in lumine: ut quæ secreto aurium commissa sunt, super tecta, id est excelsis loquentium præconio audiantur. Constantem enim Dei ingerenda cognitio est, & profundum

doctrinæ Evangelicæ secretum in lumine prædicationis Apostolicæ revelandum: non timentes eos, quibus cum sollicitudine in corpore tamen in animam nullum est; sed timentes potius Deum cui perdenda in gehenna, & animæ, & corporis sit potestas.

ꝛ. Hic est verus martyr.

*Tempore Paschali.*

ꝛ. Candidi facti sunt.

*Lectio ix.*

**N**olite timere eos, qui occidunt corpus. Nullus igitur corporum nostrorum casus est peccati timeendus, neque ullus interimendus carnis admittendus est dolor: quando pro naturæ suæ, atque



7  
 originis conditione  
 resoluta, in substan-  
 tiam spiritualis ani-  
 mæ refundatur. Et  
 quia doctrinis talibus  
 confirmatos oportet  
 liberam confitendi  
 Dei habere constan-  
 tiam, etiam condi-  
 tionem, quâ tenere-  
 mur, adjecit: Ne-  
 gaturum se eum Pa-  
 tri in cælis, qui se

hominibus in terra  
 negasset; eum porro  
 qui confessus coram  
 hominibus se fuisset,  
 à se in cælis confiten-  
 dum: qualesque nos  
 nominis sui testes ho-  
 minibus fuisset,  
 tali nos apud Deum  
 Patrem testimonio  
 ejus usuros.

Te Deum lauda-  
 mus.

## HISPANIARUM.

**P**is; enixisque instantiis nomine serenissimi Re-  
 gis Hispaniarum per Eminentissimum, &  
 Reverendissimum Dominum Cardinalem Aquavi-  
 va, sanctissimo Domino Nostro Benedicto XIV.  
 porrectis pro extensione officii, & Missæ sancti  
 Joannis Nepomuceni, sub Ritu Duplici minori pro  
 die 16. Maii ad omnia Regna, & Dominia Maje-  
 stati suæ subiecta, illisque à sanctitate sua ad  
 sacram Rituum Congregationem remissis, & ab  
 Eminentissimo, & Reverendissimo Domino Car-  
 dinali Belluga relatis, sacra eadem Congregatio,  
 inharendo aliis concessionibus in similibus factis,  
 benignè indulget, ut in posterum in cunctis Hi-  
 spaniarum Regnis eidem Regi Catholico subiectis  
 prædictum officium cum oratione, & Lætionibus  
 secundi Nocturni propriis, alias approbatis, &  
 Mis.

Missa respectivè ab universo Clero saeculari &  
 Regulari utriusque sexus, qui ad horas Canonica  
 eas tenentur, die 16. Maii sub Ritu semidupli-  
 servatis tamen Rubricis Breviarii, & Missalis Ro-  
 mani recitari, & celebrari possit, si Sanctissimus  
 Domino Nostro visum fuerit. Die 21. Januarii  
 1741.

Factaque deinde per me Secretarium de prae-  
 dictis Sanctissimo Domino Nostro relatione, Sa-  
 crae Eritas sua benignè annuit. Die 27. ejusdem mensis  
 & anni 1741.

F. C. A. Card. Guadagni,  
 Pro-Præf.

Loco ✕ Sigilli.

T. Patriarcha Hierosolymitanus  
 Secret.

